

續修廬州府志卷六十四

花翎道銜江南安徽廬州府知府清泉黃 雲總修

列女傳 義烈四 烈婦 烈女

明

仰賴妻李氏無為人賴故氏哀號竟日水漿不人口因

自縊以殉本州上其事詔旌曰貞烈 明崇禎志 通志

侯一香妻潘氏無為人一香早故有富人乘其告貸挑

之氏怒立還所貸富人復誘至家欲污之氏怒拔壁上

刃自刺死血濺富人衣當道以其事聞於朝有詔旌其

門富人伏法 明崇禎志 通志

謝容妻錢氏無為人年二十七容卒氏號踊求死家人

續修廬州府志 卷六十四 列女傳 義烈四

屢救得甦兄貫欲奪其志求死愈迫姑姆更續防守之

一夕少懈自縊死 通志 州志

蕭貞白妻張氏無為人崇禎十五年流寇至夫妻俱被

執氏給賊使釋其夫遂詈賊賊斷其舌投尸烈燄僕齕

隨見氏死厲聲罵賊賊支解之 通志 州志

徐畢璋妻朱氏無為人流寇破城朱方孕與璋妹京娘

奔井邊氏曰井口狹煩姑推而納之朱既下京娘哭曰

父母安在吾伴嫂死矣亦隨躍入井中 通志 州志

陸官治妻沈氏無為人年十八有少姑名蟾女年十四

兩人最相愛聞亂指後園井曰我輩身為女子儻有變

此畢命處也寇至沈以嬰兒付保母與姑以巾帕相繫

投井死經七日獲其尸衣履皆纏束完密不露寸膚州志

余明史劉氏余承德祖母魏氏承德母承德妻楊氏妹

玉女無為人崇禎壬午寇至劉氏魏氏被刃承德衛之

同斃楊氏投河水死玉女年十六賊將犯之大罵不屈

被磔死一門死難最慘烈明史通志

蘇蔭芝妻阮氏無爲人有營卒窺婦美逼之婦知不免

給以就浴遂閉門自縊死時年二十通志州志

張必美妻蕭氏無爲人歸美半載美卒氏年十七與姑

王氏同孀鄰人徐爾興強委禽焉氏堅不從爾興以勢

脅之其姑懼禍氏曰我死禍即已何懼焉遂自縊死通志

董國治妻馬氏無爲人崇禎壬午流寇掠州之北鄉氏

續修廬州府志

卷六十四

列女傳 義烈四

被執賊悅其色欲污之氏拒罵百端以頭觸賊刃血淋

漓仆地賊怒割其腹而死通志州志

周培忠妻張氏無爲人壬午流寇掠北鄉男女皆奔避

氏以夫病篤不忍離爲賊所獲悅其色欲攜之去氏且

哭且罵賊以槍戳其足昏絕仆地更火其廬與夫同焚

死氏時年十九通志州志

張景平妻朱氏胡羽玉妻呂氏侍女桂喜石汝瓊妻蔡

氏及女俱無爲人寇至偕兒女溺死通志州志

貢生字道達妻耿氏無爲人鄉飲賓耿大化女年十七

適道達明季壬午流寇之警先期自誓曰脫有不測吾

惟一死及城垂破遂投河死時年十九通志州志

邢瑞妻林氏無為人年十八于歸夫疾願以身代及卒誓以死從比葬觸棺死家人救甦終不食死通志州志

生員劉光生妻朱氏畢力尙妻張氏俱無為人與姑同遇賊以計脫其姑然後自盡通志州志

張岳生妻鍾氏無爲人文學鍾成樂女一日寇猝至懼不免遂投水死時年十九通志州志

沈可捷妻張氏無爲人于歸二年流寇陷州城氏赴井全節死采訪冊

徐必璋妻朱氏貢生宇道遠妻耿氏邢端妻林氏蕭培忠妻張氏某妻王氏俱無爲人夫亡守節遇變殉難通志

續修廬州府志

卷六十四

列女傳 義烈四

待旌錄
以上烈婦

汪賜兒無爲人年十五鄰有狡童窺之賜兒不勝忿自

縊死通志州志

趙崇仕女文姑無爲人許字沈可鉉罵賊遇害通志州志

季氏女無爲人陳姓僕女也許字馬氏子馬貧不能娶

有武弁朱某與陳密見女美謀於陳出白金百兩償馬

聘而已聘爲繼室陳許諾女聞之謂母曰主命不可違

惟邀馬郎至家與兒一面可也嫗如言設酒食延馬至

女隨母出再拜而入檢篋中聘金擲於庭大聲曰業已

生離需此何爲馬泣而去女謂母曰馬郎無復再會幸

遠送之嫗送近馬舍而返女已自經事聞州牧李春華

爲勒碑

通志州志

張國屏女字李楷無爲人爲賊所執曰乞一刀以全我

節賊殺之

通志

李氏女字馬某無爲人遇變殉烈

通志待旌錄

以上烈女

國朝

王應標妻孟氏無爲人年二十三夫亡視殮畢絕粒十

一日至柩前一慟而死乾隆二十八年

旌通志州志

呂之源妻李氏無爲人年二十四夫故遺腹生女又不

育氏泣曰公姑有兩伯兩嬪足以奉養余將從夫地下

矣觸牀柱死乾隆十六年

旌通志州志

續修廬州府志

卷六十四

列女傳 義烈四

四

朱有福妻周氏無爲人里有強暴欲污之不辱自縊死

乾隆二十八年

旌通志州志

錢永松妻杜氏無爲人年二十六歲夫疾革氏泣曰家

有長伯在翁姑幼子有賴妾惟從死而已及夫歿遂入

水死乾隆四十五年

旌通志州志

張某妻李氏無爲人有強暴將犯之不從入水死乾隆

五十六年

旌通志州志

鄭某妻無爲人夫亡殉節嘉慶年

旌通志

樂仲芳妻葉氏無爲人年二十歲夫故守節四十九年

同治二年賊至大罵被殺已

旌通志采訪冊

儒童金式儒妻李氏無爲人從九李潤女年二十一夫

故志在殉烈始以翁姑慈命腹有遺息忍死待產及產男不存遂絕粒卒時光緒八年 旌表 采訪冊

丁常榮妻謝氏無為人年十七于歸彌月夫病顛天請

代夫故成服盡禮隨吞金死已

旌 通志 采訪冊

黃潤藻妻程氏夏仕光妻王氏俱無為人遇變罵賊殉

烈已 旌 通志

江清琦妻萬氏無為人咸豐七年隨夫避亂途次失散

後聞夫殉難乞夫二兄冒死竊尸還收殮畢自縊而死

已 旌 通志 采訪冊

文生何秋元妻阮氏無為人秋元陣亡子振祖甫周歲

氏守志撫孤咸豐十一年四月賊至氏顧振祖泣曰前

續修廬州府志

卷六十四

列女傳 義烈四

五

之不死者以汝尚幼今年已十三矣吾將從爾父於地

下語畢投水死振祖呼救不及亦絕粒卒已 旌 通志

文生薛寅妾 通志 作妻 倪氏無為人年二十三夫故撫孤越

七年賊逼自經死已 旌 通志 采訪冊

朱增仁妻錢氏無為人年十八于歸二十三歲夫故殮

葬畢仰藥死已 旌 通志 采訪冊

周作玉妻湯氏無為人年二十二歲于歸甫一載夫業

農以病卒氏矢志苦守父母欲奪其節氏聞言自縊死

采訪冊

程學義妻徐氏無為人年二十歲夫故守志姑病割股

立姪為嗣苦守四十二年避亂活龍窪賊至燬氏翁姑

及夫木主罵賊投水死已

旌通志 采訪冊

夏庚照妻齊氏無為人年二十三歲夫故氏慟不欲生

絕粒數日姑知其有孕婉言以勸曰汝以死殉夫義也

然獨不為亡兒似續計乎氏聞命進飲食遺腹生子撫

育倍至次年子忽夭氏泣日向之不死者有子故也今

已死矣生復何為絕粒十日卒已

旌通志 采訪冊

武生伍萬億妻任氏無為人年二十四夫故絕粒十四

日卒已

旌通志 采訪冊

王彭貞妻黃氏無為人年二十二夫故絕粒八日卒又

文章奚周長紱妻朱氏夫亡殉節已

旌通志 采訪冊

周先宜妻陳氏無為人年二十八夫故守志苦節二十

續修廬州府志

卷六十四

列女傳 義烈四

六

餘年罵賊被殺已

旌通志 采訪冊

以上烈婦已 旌

奈達遠妻錢氏無為人舅任武昌司理隨鎮帥至江甯

大瀆關兵噪逼舟氏知不免從容投江死時年二十歲

康熙志 通志

童師聖妻朱氏無為人順治戊子賊破州城氏乳數月

孩納懷中縫其衣閉門自縊死

康熙志 通志

劉有紳妻謝氏無為人紳卒遺二子俱殤遂不食死

庠生沈可釗妻張氏無為人戊子寇亂官兵至大索婦

隨姑避鄰壁中為所獲因跪求曰姑老疾請釋之吾家

有秘藏當引君恣所取兵隨往見藏爭攫婦乘閒入寢

室以稚子囑老婢自經死康熙志通志

蔡常勳妻董氏無為人嫁未一期夫病羸氏抱持供湯

藥者數年常勳兄素無行知弟必不起逼之改嫁夜投

水死時盛夏顏色如生康熙志通志

黃瓚妻吳氏無為人夫死氏年二十四族人逼令改適

不從強之氏啓後扉投水死康熙志通志

童文炯妻王氏無為人炯卒氏年十九俟殮畢著衰麻

自縊死州牧胡良佐勒石表其墓通志州志

宇自雄妻黃氏無為人世爲農年十七于歸夫病侍湯

藥數年不怠及夫死氏乘閒自經於棺前屈膝俯地麻

衣長跪州守李廷煥親祭之通志州志

續修廬州府志 卷之十四 列女傳 義烈四 七

錢子福妻伍氏無為人年二十六夫亡守節錢有叔不

利其守勸翁姑令氏改適不從思以計奪之氏恐終不

免遂自縊死嘉慶志通志

方大齡妻潘氏無為人年十九夫逝遺腹生子家貧苦

舅姑欲奪其志氏矢志不從里有強暴懷刃欲刺其子

以逼氏氏曰納兒於米櫃扃其鑰夜則局脊櫃中乳兒

三年強暴死始出兒於櫃辛勤紡績十指幾穿事舅姑

終養逮兒畢婚乃曰吾將下報吾夫矣絕粒而死通志州志

庠生楊芳妻後氏無為人年二十六芳卒誓死殉夫投

繯至再姑救之甦諭以撫孤爲重未及一年遺孤天遂

絕粒死通志州志

孔蓬海妻陸氏無為人陸玉田女年二十六夫家貧無
生計一日誘氏入城將賣之比夜投水死通志州志

羅某妻王氏無為人母家合肥年二十夫死家極貧有
覬其嫁者一日遣子於外求乞縱火自焚死子歸於灰

燼中得尸斂棺瘞之有鄭姓者收養其子逾年氏弟佐
忠取以歸通志州志

季仲千妻曹氏無為人年二十歲夫亡卽以身殉州志
葉子謙妻陳氏無為人年二十餘夫故遂絕粒死通志州志

周作楨妻倪氏無為人夫亡氏年二十六密縫衣裾赴
水死通志州志

鍾春茂妻張氏無為人乾隆乙巳大飢夫強氏改適夜
赴水死後家人得其尸面如生衣裾縫紉皆遍通志州志

鍾光祖妻徐氏無為人光祖歿於水氏年二十盡焚嫁
衣不食十日死通志州志

張耀武妻盧氏無為人年二十夫故殯葬畢投水而死

州志按通志待旌錄列在烈女
何一作周財發妻伍氏無為人青年守節孝養孀姑姑歿

殉節死通志州志
徐有聿妻王氏無為人年二十三夫落水死氏絕粒三

日往夫死所奠祭畢投水死通志州志
周文言妻黃氏無為人年十九夫故氏引刀斷食指傷

未愈旋卒州志

洪烈婦

通志作洪一妻

劉氏無為南鄉人農家女也適洪生

四子夫早死誓不嫁守節十二年值歲大疫其夫兄欲逼之嫁不從偽以輿來若母家迎歸甯者舁之至百里外一小家門乃知被賣氏哭泣不從哀求釋已其家族人戴某不可氏不得已入室理妝紉上下衣以簪刺鼻不死繼於牀而死乾隆戊戌九月十五日也州人吳元慶為作傳

通志采訪冊

張雲美妻何氏無為人年二十二歲夫故觸棺死又有董先俊妻裴氏年二十六夫故立姪為嗣營葬畢白經死又梁業恩妻方氏年二十三夫故家貧無以殯又無子女氏乞棺木收殮葬畢服毒死

通志采訪冊

續修廬州府志

卷之十四

列女傳 義烈四

九

昌國增妻汪氏無為人年二十六夫病刲股夫故絕粒

七日死

通志采訪冊

齊英豪妻趙氏無為人年二十四夫故營葬後自刃而卒邢錫玉妻張氏年十八夫故家貧時歲旱有勸其改嫁者遂投水死

通志采訪冊

湯懋陞妻李氏無為人年二十二夫故有欲奪其節者

投水死

通志采訪冊

季國劬妻曹氏無為人年二十于歸匝月夫故貧無以殮出奩資營葬祭畢投水死

通志采訪冊

王廷元妻翟氏無為人年二十一夫故絕粒四日姑諭以保孕存嗣大義因復食次年遺腹又天遂白經死又

李登起妻楊氏青年守志事翁姑孝夏月浴於內室有
狡童穴窺之氏覺羞憤投水死尸經數日不變通志
采訪冊

季恩九妻陳氏無為人年二十歲夫病割股夫故絕粒

七日卒采訪冊

駱石春妻朱氏無為人年二十八夫被賊虜投水死又

任其章妻汪氏年二十四夫故苦守十二年有欲奪其

志者投水死遺一女年十三歲亦投水殉母采訪冊

許某婢名秋菊無為人已納之側室有謂婢年幼者勸

許嫁之婢聞言痛哭自經死年十七歲采訪冊

廩生謝錫珍妻劉氏無為人年二十八夫病割股夫故

絕粒五日翁姑諭以保孤大義稍進飲食旬日以毀卒

續修廬州府志

卷六十四

列女傳 義烈四

十

又昌之和妻樊氏青年守志夫兄欲嫁之氏覺以鎌刀

自刎采訪冊

萬鴻傑妻施氏無為人議叙八品逢源之繼母賊至掠

施氏苦掙不釋遂痛罵賊連刃之死采訪冊

某妻潘氏無為人住州南城外慧美有賢行其夫無賴

與賊游將不利於婦婦知自縊死文生宣昭作歌以弔

之通志
采訪冊

張梁氏無為人廩生張士杰媳也年十二養於張十八

歲成禮三閏月夫卒氏絕粒數日翁姑年老諭以孝養

大義氏不獲已含悲盡禮立姪為嗣數年嗣子夭又立

次姪氏加意撫之又殤遂自縊殉節采訪冊

楊光照妻李氏無爲人年二十三歲夫故撫二子守志服闋後聞有欲奪其節者閉戶自經死通志采訪冊

張伯川妻伍氏無爲人夫久出無音問里人傳其已死

氏閉戶自縊死時年二十四歲通志采訪冊

舉人齊來祚妾李氏無爲人年二十二歲夫故殮畢入

寢室自經死通志采訪冊

孫天加妻汪氏無爲人年十七歲夫故守志踰四年有

鄰婦說其改嫁氏拒之旋自縊通志采訪冊

無爲胡某妻何氏潛川何氏女也年二十一歲適胡姑

有穢行誘氏以非禮氏不可凌虐不堪氏自經死張恕

夫爲立傳采訪冊

續修廬州府志 卷六十四 列女傳 善類四

王某妻丁氏無爲人姑有邪行誘氏效尤不從被虐自

縊死采訪冊

奚周偉妻朱氏無爲人年二十三夫故自縊死采訪冊

張清標妻朱氏無爲人年二十三夫故殮殮後絕粒八

日卒采訪冊

何能玉妻胡氏無爲人年二十五夫故絕粒七日死通志采訪冊

王桂賢妻張氏朱志武妻丁氏仰賴妻李氏俱無爲人

夫亡殉烈通志按明時有仰賴妻李氏年代不同未敢臆刪

文生王錫五妻秦氏無爲人年二十五聞夫陣亡絕粒

殉節通志采訪冊

文生楚沅妻汪氏無為人因夫殉難投水盡節通志采訪冊
趙光浩妻俞氏無為人年二十五夫故絕粒九日卒通志采訪冊

張家安妻魏氏無為人年十九于歸二十三歲夫故絕粒七日卒采訪冊

汪求福妻王氏無為人年十九夫故絕粒七日卒通志采訪冊

王桂英妻張氏無為人年十九夫故絕粒七日卒采訪冊

吳永燾妻李氏張家安妻米氏俱無為人年二十四夫故皆絕粒十日卒采訪冊

周觀濤妻王氏年三十附生楊芳妻後氏年二十八皆

續修廬州府志 卷六十四 列女傳 義烈四 十三

無為人俱夫故絕粒七日卒采訪冊

魯昌有妻盛氏無為人年二十四夫故入殮後仰藥復

自經死采訪冊

徐先應妻陳氏無為人年二十夫故絕粒十餘日而卒

采訪冊

任昌松妻潘氏無為人青年夫故雉經以殉采訪冊

儒童季永璧妻孫氏無為人年二十夫故服毒以殉采訪冊

侯洵妻王氏無為人年十八夫故投塘殉烈采訪冊

魏心祿妻陳氏無為人年二十九夫故殉烈采訪冊

王蘭妻安氏無為人年二十九夫故守節賊至投水死

通志
采訪冊

孫兆見妻王氏無為人賊擄不從被賊殺死采訪冊

布理問張璵妾夏氏無為人夫亡守節刲股療姑遇變

殉烈通志

無為文生王上達繼室秦氏江甯侍講學士秦大士從

曾孫女也年十九達贅其家咸豐元年髮逆陷兩湖達

欲偕氏回籍氏以不忍離母辭勸達先歸謀善地會咸

豐三年金陵陷氏投井亡時年二十七歲采訪冊

楊名標妻金氏無為人標素孝咸豐三年賊至負母逃

避氏攜子女四人投水死采訪冊

楊明標妻邢氏無為人咸豐三年賊入境氏勸夫遠避

續修廬州府志 卷六十四 列女傳 義烈四

十三

攜一子二女投水死采訪冊

張某妻王氏無為人邑庠生張春芳媳僑寓金陵咸豐

二年賊陷金陵氏率子前庚前甲同仰藥死采訪冊

儒童蔣家泗妻蕭氏無為人夫故守志數年咸豐二年

有髮逆搜索孀婦之謠遂託孤兒於妯娌絕粒數日卒

采訪冊

李榮宣妻梁氏無為人咸豐二年賊逼不從被殺采訪冊

文生高一作萬彬雅妻朱氏無為人咸豐六年夫殉難氏

撫尸大罵亦被殺通志采訪冊

呂傳經妻陳氏無為人州城復陷氏聞警投水死采訪冊

駱大猷妻朱氏無為人聞夫禦賊陣亡遂投水死通志采訪冊

劉開禮妻吳氏無為人咸豐丙辰賊至被焚死采訪冊

陳國華妻何氏無為人咸豐六年賊逼投厠死采訪冊

季光亮妻汪氏汪言尙妻季氏均無為人賊逼不從被

殺采訪冊

魯某妻倪氏無為人咸豐丙辰罵賊不屈被殺采訪冊

苗在山妻王氏無為人咸豐丙辰因賊逼自刎死采訪冊

倪胡氏倪貞良母無為人嫻母教有大家風嘗以節義

勉其族中婦女咸豐七年賊竄東鄉氏痛罵投水死孫

先庚登癸酉舉人先申庠生采訪冊

孫肇儉妻富氏李業維妻朱氏無爲人均賊逼不從被

續修廬州府志 卷六十四 列女傳 義烈四 十四

殺采訪冊

王存璞妻于氏無為人咸豐丁巳賊至抱二子罵賊被

殺采訪冊

童驥鳳妻范氏無為人賊至鳳殉難氏率子女赴水死

采訪冊

王萬秩妻安氏無為人年二十八夫故守志賊至投水

全節通志采訪冊

張于望妻解氏無為人賊至夫殉難氏聞知縊死采訪冊

丁雲敖妻王氏黃梅聲妻聶氏潘文由妻某氏洪學富

妻戴氏均無爲人咸豐七年罵賊被殺采訪冊

曹德年妻符氏無爲人咸豐七年賊逼不從死采訪冊

汪萬鼇妻程氏無為人咸豐八年賊掠力拒大罵投水死時年二十一采訪冊

邵通志永福妻徐氏無為人夫故守志撫孤成立咸豐

九年賊至投水死通志采訪冊

胡國松妻何氏無為人青年守志賊至不辱自縊通志采訪冊

徐心恕妻葉氏朱先德妻王氏均無為人賊逼不從投水死采訪冊

程蘊妻黃氏無為人咸豐十一年賊竄境因罵賊斷十指死雪中子婦季氏投花家渡水殉之采訪冊

陳宗金妻趙氏無為人性慈孝咸豐十一年髮逆過境

續修廬州府志 卷六十四 列女傳 義烈四 十五

挾氏為炊不從被刺死采訪冊

陳發榮妻王氏無為人咸豐十一年賊殺其夫氏罵不

絕口與幼女煥姑均被殺通志采訪冊

杭攸富妻陳氏無為人夫為賊擄氏往護被刺投水死

又任聘三妻童氏賊至攜女投水死采訪冊

錢一識妻劉氏無為人賊至攜三子與口鄭氏邵氏同

投水死采訪冊

王興華妻萬氏無為人年三十夫故守志營葬翁姑教

子廩生蓋臣成立子卒訓孫有義方賊掠鄉村氏年八

十罵賊投水死通志采訪冊

張定軒妻梅氏無為人年二十二夫故守志孝事翁姑

賊至抱孤投水死通志采訪冊

陳范氏陳則義母無為人罵賊遇害子朋義亦死采訪冊

方承梓妻李氏無為人賊擄其夫氏痛哭大罵攜二女

投塘賊追殺之通志采訪冊

季萬祝妻姚氏無為人年二十八夫故守志賊入村氏

用鎌刀自刎死通志采訪冊

張運美妻童氏無為人咸豐辛酉因夫故自縊死通志采訪冊

冊

任應麒妻周氏無為人賊至抱幼子潛入蓮洞賊覺呼

之不出縱火焚洞母子同死於洞中采訪冊

楊世英妻黃氏楊世放妻羅氏楊世昆妻張氏無為人

續修廬州府志 卷六十四 列女傳 義烈四

均賊至被焚死采訪冊

劉開禮妻周氏薩宗榮妻謝氏方承指妻李氏監生汪

作霖妻葉氏無為人均罵賊被殺采訪冊

周和寅妻丁氏無為人年二十三賊逼不屈被殺死采訪冊

冊

傅某妻劉氏孫天吉妻萬氏無為人皆被賊逼不屈投

水死采訪冊

陳永昌妻汪氏從九王尙德妻楊氏陳求恩妻陳氏張

大銀妻任氏陳廣傳妻陳氏陳正邦妻趙氏金富棠妻

胡氏杭芳華妻夏氏梅國榮妻蘇氏均無為人咸豐十

一年罵賊不屈被殺采訪冊

劉登珠妻孫氏孔繁枝妻董氏駱某妻吳氏陳某妻孫氏汪作銘妻姚氏汪求林妻潘氏監生周志勲妻樂氏昌孔嘉妻陳氏張昌標妻董氏朱家才妻許氏羅興泰妻邢氏陳某妻沈氏汪永受妻張氏監生王雨青妻金氏李縉紳妻杭氏昌孔昭妻李氏昌郎泉妻季氏均無爲人賊逼不從投水死采訪冊

夏士光妻王氏無爲人年二十四夫故守志孝事翁姑撫姪爲嗣苦守三十九年避亂太五汎罵賊身中火鎗投水死采訪冊

喻承烈妻郭氏無爲人賊至投入水中賊追殺之采訪冊

翟本初妻何氏沈春朔妻黃氏無爲人均被賊焚死采訪冊

翟朝瑜妻胡氏無爲人賊逼不屈被賊分尸死采訪冊

袁某妻潘氏無爲人與子邦穆被賊逼同時投水死采訪冊

石世發妻方氏監生汪祚妻金氏陳求舉妻俞氏陳某妻任氏吳復元妻汪氏鄒梁氏鄒同官母汪求滿妻杭氏何雲祉妻俞氏趙勝田妻方氏趙向善妻梁氏陳某妻凌氏李德明妻張氏鄒日亮妻吳氏均無爲人同治元年賊逼不從大罵被殺采訪冊

周國才妻梅氏樂培玉妻方氏王自發妻汪氏陳宗金妻任氏陳同仁妻孫氏樂音安妻徐氏某葉氏汪作相

妻陳氏沈元崇妻丁氏胡正榮妻陳氏王能起妻吳氏
陳正業妻郭氏薩榮富妻謝氏劉若愚妻喻氏張德朝
妻范氏鄒俞氏鄒同堃祖母汪求松妻羅氏吳邦榮妻
周氏從九丁初功妻梁氏沈萬廉妻周氏汪支裴妻范
氏張加傳妻趙氏杭勳國妻沈氏汪萬壽妻俞氏范廉
圻妻葉氏黃李氏黃禮新母汪大金妻謝氏蔣一坤妻
陳氏劉宗明妻李氏周寶倉妻胡氏汪才滿任氏蔣自
成妻汪氏沈宏福妻方氏李志滿妻方氏傅某妻于氏
李士興妻凌氏均無爲人賊逼不從大罵被殺采訪冊
于原璜妻許氏無爲人賊入村鄰有少婦被執氏死力
爭鄰婦得脫而氏被殺並碎其尸時同治二年氏年六

續修廬州府志

卷六十四

列女傳 義烈四

十六

十有二歲

采訪冊

丁啟封妻石氏無爲人賊竄鄉鎮與夫兄命有妻丁氏
同赴南門橋投水死采訪冊

王時茂妻鍾氏無爲人年十九夫故守節三十九年賊

至投水盡節

通志采訪冊

伍宏章妻黃氏無爲人賊至負幼子奔逃且罵賊尾之

中火鎗死

采訪冊

陳求琳妻夏氏無爲人遇賊殉難其媳李氏痛極亦抱

二子投水死

通志采訪冊

王應標妻孟氏無爲人年十七于歸二十六歲夫故絕

粒卒

采訪冊

昌國燕妻陳氏無為人年二十六夫故苦守至五十歲
賊逼與嫂季氏同投水死采訪

任應朝妻沈氏夏世太妻陶氏萬圖延妻林氏周新盛
妻許氏劉賢榮妻賈氏呂路氏呂傳祀母范大元妻涂
氏周克棟妻倪氏均無為人賊逼不從厲聲罵之被殺

采訪

張丙宜妻陶氏李某妻某氏萬宗傳妻戴氏丁某妻王
氏王學義妻米氏王大和妻鮑氏趙有餘妻葉氏富義
發妻俞氏江清階妻賴氏陳國勳妻喻氏潘承義妻胡
氏從九王尙從妻楊氏均無為人罵賊不從被殺采訪
賴炳陽妻朱氏無為人賊至偕媳顧氏投水死采訪

續修廬州府志

卷六十四

列女傳 義烈四

九

程愷妻季氏無為人賊至同姑黃氏投水死采訪

董某妻洪氏無為人洪世榮女夫家江南咸豐十一年

回州省母遇賊大罵被殺采訪

附寄籍外籍
並附

陳某妻丁氏寄居無為六安籍咸豐六年旱隨夫就食
州西工女紅頗可自給夫嗜博日與無賴子游賞罄議
鬻之氏覺投水死采訪

廩生陳達夫妻程氏寄居無為含山籍咸豐十一年罵

賊被殺並剖其腹妾郭氏投水死采訪

黃遵先妻朱氏寄居無為含山籍同治元年賊至不屈

被殺采訪

李某妻劉氏天津籍氏年二十四歲工書算光緒四年
饑夫鬻氏於無為某屠詭言接氏至滬上時氏胞兄某
客游滬故信之及隨屠至無為察知其偽自縊死州人
義之為立碑城南小祠山殿後采訪冊 按沈鈞烈婦
定遠王某與此小異餘同
歌序作劉氏天津人適
未知是一人否存以俟考

以上烈婦待 旌

謝桂女無為為人許字王道未婚道歿女往奔喪不復歸
一日母稱疾篤給女回家已私約媒妁矣令鱗魚款媒
女喻意於母曰此魚可憫奈何必令之死也從容入房
櫛沐著王家原聘衣裝密縫之坐帷中自縊死雍正五
年 旌康熙志
通志

續修廬州府志

卷六十四

列女傳 義烈四

三

卞氏女名煥姑字童文成無為人文成年十六病卒女
聞訃矢志守貞其父復許字某氏媒妁以問於女女不
語澣濯入幃自縊死雍正十年 旌通志
州志

袁少才姪女無為為人年十九字倪姓咸豐四年賊踞州
城有僞職挾聘女夜間服毒死已 旌通志
采訪冊

李氏女字羅永高無為入咸豐十一年賊入境隨母避
亂落後懼賊逼投水死時年十四已 旌采訪冊

施氏女無為為人字崗定學未婚閨故泣欲往弔適母病
篤留侍湯藥兩月衣不解帶母愈女絕粒卒時年十九

已

旌通志
采訪冊

王氏女無為為人字儒童湯傳文舉人湯永圖長媳年十

八歲墜卒請父母命往弔撫棺慟哭拜訣翁姑入寢室以剪刀自刎已 旌 通志 采訪冊

何氏女字庠生范光宇無為人年二十未婚夫故往奠泣拜盡禮絕粒七日卒已 旌 通志 采訪冊

程氏女無為人字金儒賓年二十聞賓故往奠痛哭絕粒七日卒知州吳表其禍云於井水盟素心姬可稱貞

女堪諡愍為濡須留止氣 朝旌以節官式其閭 通志 采訪冊

梁秉鑑女名長無為人幼字王利磯秉鑑貧以女歸王氏為養媳凡十年年十九未婚而利磯病不得相見至是入厨作羹使婢持餽利磯股肉也羹至而利磯死婢

續修廬州府志 卷六十四

列女傳 義烈四

三

以報女女曰不可救乎曰不可救矣女逡巡入室俄聞有聲甚厲或趨視已目到矣血淋漓噴壁上時道光五年三月十六日也薛玉堂為作傳已 旌 通志 陸繼輅文集

以上烈女已 旌

朱氏女字陳子仲無為人未嫁仲殤陳為其子叔更納采焉親迎前一日女靚妝投水死 康熙志 通志

張氏女字吳元允無為人元允性好佛披薙九華山女守貞誓不他適長齋二十餘年聞元允死乃閉門自縊

族人感其義葬祖塋側 通志 州志

胡氏女名煥姑字唐永坦無為人永坦少嬰疾不慧父母俱歿女父亦逝及笄母欲改字女不從赴水死戚里

哀之勒石誌諸墓通志州志

張萬勝女大姑無為人許字王美高子因貧童養乾隆

丙午歲大饑翁與父計改字女知之固請歸辭其母暮

返母遣幼弟送之給弟回投水而死時年十三通志采訪冊

含山徐允鏊長女幼許字州人孫大琪未娶大琪卒女

年十八聞訃欲奔喪父母禁之絕粒十四日卒含邑人

迎主於運漕貞烈祠通志州志

宋氏女字劉良廣無為人自幼歸劉未成禮良廣卒女

絕粒七日死通志州志

何氏女字葉人才無為人年十九歲才故絕粒二十一

日卒通志采訪冊

續修廬州府志 卷六十四 列女傳 義烈四

三

童氏女字周天桂長子無為人年十六未婚婿卒女聞

訃欲往奠母苦勸止之女仰天痛哭絕粒八日卒采訪冊

關氏女字孫明官無為人年十九官故聞訃絕粒數日

投水死采訪冊

丁氏女字劉天成無為人居雍家鎮賊竄鎮女投水死

采訪冊

季萬霖次女年十五劉氏女年十六俱無為人皆罵賊

被殺采訪冊

謝氏女無為人居城南聞賊至同母某氏飲醜死采訪冊

龔光全女無為人年十七賊至大罵不屈投水死采訪冊

凌氏女無為人字李永芬家貧不能娶父母憂之欲改

字女不可咸豐三年賊至服毒亡通志
采訪冊

李氏女字凌輝壽無為人咸豐三年賊陷城女投井死
采訪冊

蕭氏女字監生張佩珩無為人咸豐二年髮逆至被掠
不從死之一一作夫故絕粒七日
日死采訪冊

汪氏女無為人字葉家煌未婚煌故誓不欲生因翁姑
立勸稍進飲食迨煌既葬往墳拜奠哭泣甚哀歸即入

室踞牀自經死通志
采訪冊

劉氏女字周元桂無為人年十二桂卒父母欲為擇配
不從父母歿兄復為議配女絕粒死臨終囑其兄曰為

語舅家願與亡人合墓卒年十有九歲采訪冊

續修廬州府志 卷之十四 列女傳 義烈四 三

繆氏女字文童程伯祺陳氏女字文童江元聞庠生陳
駿女幼字江楠之子俱無為人皆夫故絕粒七日卒采訪冊

朱氏女字文童侯尚印無為人年二十一未婚夫故自
縊殉烈通志
采訪冊

許氏女字胡智安無為人年十九未婚夫故聞訃往奠
成服盡禮絕粒十二日卒通志
采訪冊

金氏女字儒童方承植無為人年二十未婚夫故聞訃
往奠易服成禮絕粒七日卒通志
采訪冊

張廣玉女無為人咸豐七年賊至女同兄朋友聘妻丁
氏女赴水死時張女年十五丁女年十六采訪冊

庠生阮紹元妹無爲人年十九咸豐丁巳避亂鄉村賊至投塘死采訪冊

梅國仁女無爲人咸豐七年賊逼不從投水死時年十七采訪冊

葉氏女無爲人字儒童王邦順年十七歲順故奔喪成服絕粒二日撞棺而亡采訪冊

龔文藻女無爲人咸豐九年聞賊至先自縫其裏衣賊逼不從投塘死賊以長矛碎其尸時年十六采訪冊

龔氏女字陳得全無爲人咸豐十一年隨父母避亂萬家墩賊至投水死采訪冊

李氏女字俞國源無爲人隨母避亂聞賊至投水死采訪冊

續修廬州府志 卷六十四 列女傳 義烈四 四

李國選女無爲人年十五賊逼不從投水死又周卜符

女賊逼被殺采訪冊
趙氏女字儒童秦步鼇同治元年聞賊至投水而死采訪冊

王氏女字沈禮套年十五仰氏女字沈禮盛年十三陳

氏女字沈仁義年九歲俱無爲人皆賊逼逃入山洞賊縱火焚死洞中采訪冊

陳氏女字武童何興義無爲人年十七賊逼投水賊就水中刺死河水盡赤采訪冊

監生涂得魁季女無爲人幼字和州賈姓子未婚聞婿

故絕粒夜夢翁姑囑曰尚有前婦遺孤惟汝是賴能撫
育成人則賈門有後女因進食衰麻往奠守貞撫前室
遺孤同治二年賊至女囑夫弟攜遺孤逃避遂投水死
時年二十九歲采訪冊

汪大金女無為人同治癸亥賊至偕母投水而死采訪冊

駱氏女字儒童陳德喜無為人賊至投水死采訪冊

張氏女無為人素嫻姆訓舉止端方賊匪竄境投水死

時年十七采訪冊

劉氏女年十六又李氏女字施光成俱無為人罵賊被

殺采訪冊

江氏女字黃禮準無為人祖父遇賊被殺女撫尸號泣

續修廬州府志 卷六十四 列女傳 義烈四

旋入室自經采訪冊

程氏女字金某無為人光緒元年女年十七金卒女往

弔絕粒死采訪冊 方謝六烈詩

程氏女無為人字劉大宸已諷吉大宸病不起女絕水

漿誓以身殉家人堅防之一日晨起呼母泣曰兒不能

侍色笑矣言畢即逝蓋先自仰藥云時女年十六通志采訪冊

附外籍

吳氏女字董慎怡江蘇陽湖籍隨翁任無為吏目遂家

焉咸豐六年賊逼投水死采訪冊

某烈女逸其姓名蘇州籍賊陷蘇被擄欲私之屢以計

免後至無爲州之士橋鎮賊又逼汙女不從乘隙墜土
城壕死州人憐之爲葬於上橋東號烈女塚云采訪冊
以上烈女待 旌